



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ethices Christianae, Libri Tres**

**Daneau, Lambert**

**Genevæ, 1579**

Cap. III. Methodus & partitio futuræ disputationis.

**urn:nbn:de:hbz:466:1-41242**

hæ animorum nostrorum, quanquam vitiosæ, commotiones, non est (vt ipsi aiunt) in nostra potestate situm. Denique nihil eorum, quæ ad idolorum. i. falsorum deorum cultum, quæ ad infidelitatem, quæ ad diffidētiam nostram, quæ ad primam legis diuinæ tabulam pertinent, illi fugiendum homini sapienti putant. In quibus tamen omnibus scelera vel maxima versantur, adeò vt minutulam quãdam virtutum & vitiorum partem gustasse potiùs, quàm cognouisse videantur. At eadem illa omnia ab vtrisque vel nõ intellecta, vel contempta Christiani Theologi, & cognouerunt, & ex Dei verbo verissimè definierunt. Sed de differentia quidē Christianæ Ethicæ à Profana siue Philosophica, i-témque Politica siue Legillatorum præceptis, hæc dicta sint.



## CAP. III.

Methodus & partitio futuræ  
disputationis.

**E**THICAM igitur Christianã ab vtrorumque cognitione & ratione diuersam, Deo dante, scripturi, alia quoque via progrediendum arbitramur, quàm ipsi fecerint. Quanquam inter eos ipsos non vna semper fuit omnium methodus, & præcepta de virtutibus tradendi ratio. Nam eorũ alij à definitione summi illius boni, quam *Εὐδαιμονίαν* vocant, tanquã ab ipso capite & primo huius cognitionis fonte disputatio

ne ordiuntur: alii à virtutibus ipsis rem totã inchoare malunt: alij ab ipsius hominis consideratione, earumque partium, quibus præcipuis constat, nimirum animo & corpore, ut æquod proprium hominis, utraque illa natura constantis, atque summum bonum esse possit, commodius explicetur. Nos verò, quæ ad Dei verbum aptissima & conuenientissima ratio visa est, eam hoc loco & tempore sequimur. Itaque tria præsertim in tota hac quæstione, & tractatione versari nobis videntur, tanquam præcipua totius huius argumenti & scientiæ capita.

1 Primum quidem, ut disputetur de humanarum actionum Principijs & causis.

2 Secundum, de humanarum actionum regendarum & rectè instituendarum norma & præceptis.

3 Tertium, de varijs virtutum, quæ sunt actionum nostrarum rectè instituendarum norma, nominibus, itémque varia vitiorum appellatione, & natura. Quæ tria postquam exposuerimus, vniuersam Ethicæ Christianæ vim & tractationem, quæ modò nobis usum aliquem afferre potest, absoluisse videbimur. A primo autem capite (prius Deum per Christum precati, ut ipse, qui nos hæc sacro suo verbo docuit, Sancto suo spiritu nos in toto hoc opere scribendo dirigat) sic dicimus ordientes.

CAP.